

Papia 2 Jon da Mandagit

But piso gen

Amin morapmi da Jon Yesu dakon pañdetni unun da mani anksibinek iyi do 'kila amin kinda' yan yanek papia on mandagit yan nandan. Papia on kokup kinda dakon pañmuwukbi do mandagit. Unun pañmuwukbi do tilak anek 'minjat kinda gat gwakni gat' yan yosok. (Gagi 4-5 do koki.) Unun minjat dakon peni dakon gwakni unun pañmuwukbi ae kabi kinda do yosok. Unun da gagi 13 non gildatni tagi yipmanjan.

On papia dakon gen madep ton unun Pinjop dakon gen pañupbal anek top yon amin pindak kimagek amin do but dasi galak tan yomyom anpak an kimotni do yosok.

Nin Pinjop gen tebaisi abidanek gen ηwakηwari do pindak kimotneŋ

¹ Nak pañmuwukbi dakon kila amin da minjat gak gat ae gwakgo* gat do papia on mandan damisat. Pinjop da gak iyi do manjigit. Nak asisi ji do but dasi galak tan damisat, ae nak gin dima, minjat amin morap gen bami nandan unun kisi da ji do but dasi galak tan daman.

² Gen bami ninon tosok, ae dagok dagogi mini tokdisak. Unun do anek but dasi galak tan daman.

* **1:1:** Unudon 'minjat gak gat ae gwakgo gat' unun pañmuwukbi kinda dakon tilak asak.

³ Gen bamikon ae but dasi galak taŋ yomyom anpagon Piŋkop Dat ae Monji Yesu Kristo unun da gisam dabal nandan yawotni gat ae bupmini gat ae but yawotni gat da ji da egip egipmon tosak do bisit asat.

Butdasi galak taŋ yomyom dakon anpak aneŋ

⁴ Dat da aneŋsi do yagiŋ unun da aripmon miŋat gak dakon miŋat monjiyo diwarŋ da gen bami yolgan. Nak unun dakon gen nandanek but galak madepsi nandagin.

⁵ Ae miŋat, gen kinda yolni do nandisat unun yaŋ: Nin kalon kalon amin do but dasi galak taŋ yomiŋ yomiŋ aneŋ. Gen teban unun kalugi dima. Ji nandan gadat si wasanek awit bisapmon da unun gen teban kili abidawit da abidan anan oban.

⁶ Butdasi galak taŋ yomyom dakon mibilisi unun yaŋ: Nin Piŋkop dakon gen tebani guramigek agipneŋ. Ji wasanek nandan gadat si awit bisapmon da gen teban kinda nandawit unun yaŋ: but dasi galak taŋ yomyom dakon anpak anek agipni.

Kristo dakon gen tebai abidoneŋ

⁷ Kosit kilegi yipman detni do pankewalgan amin morapmi miktimi miktimi akwan. Unun da Yesu Kristo aminsi dagagit yaŋ dima nandan teban ton. Amin unuden unun top amin ae Kristo dakon uwalni.

⁸ Do pakyaŋsi kan kimotni. Pi teban anek yo abidawit unun di yipman dekbam. Pakyaŋsi kan kimotni kan, unun dakon tomni tagi timitdan.

⁹ Amin kinda Kristo dakon gen yipmanek gen n̄wakn̄warikon kisak kañ, Pin̄kop un̄un amin gat dima egisak. Mani amin kinda Kristo dakon gen tebai abidosok amin un̄un Dat gat ae Monji gat un̄un aminon ekwamal.

¹⁰ Amin kinda da abin̄ Kristo dakon gen bami dima dayin̄detjak kañ, un̄un amin gildat tagi yan̄ dima iyini, ae yutjikon dima an̄kini.

¹¹ Amin kinda un̄uden amin gildat tagi yan̄ iyisak kañ, an̄pulangan̄ban pi yokwini kisi da amal.

Kila amin da kin̄ p̄ndat do nandagit

¹² Gen morapmi ton̄, mani papiakon mandak do dima nandisat. Abin̄ dandabo gen yan̄ nandat aneñ kañ tagisi yan̄ nandisat. Yan̄ aneñ kañ, nin dakon kisik kisik da madepsi tugosak.

¹³ Pego dakon gwakni Pin̄kop da iyi do manjigit, un̄un da gildat tagi yan̄ gayan̄.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 18 Apr 2025 from source files dated 31 Aug 2023

b683ce50-d820-5bfc-8471-d8ee080be106